



Dyqan Taxi, lideri i shitjeve online në Shqipëri bëhet pjesë e **Grupit Balfin**

BM BUSINESS MAGAZINE

ALBANIA

>> Revista e Parë Online, dedikuar Sipërmarrjes

- #SIPERMARRJE
- #BLOGGING
- #TURIZEM
- #EKONOMI
- #LIDERSHIP
- #INOVACION

TRENDING:



EKONOMI

BUSINESSMAGAZINE

**Vitin e ardhshëm
pritet të listohen kompanitë e para**

DREJT LISTIMIT NË BURSË



ALBANA MUÇAJ
Lead Editor @Business Mag Albania

Prej vitesh flitet tashmë për nevojën apo jo të një burse, ndërsa një kompani jo financiare siç është "DigitAlb", emetoi obligacione së fundi.

Duhet të theksojmë që në fillim se bëhet fjalë për një ofertë private, pra një ofertë, ku aksionerë, (përmes blerjes së obligacioneve) mund të bëhet një numër i kufizuar operatorësh, kryesisht kompani financiare apo fond pensionesh.

Siç thotë edhe drejtuesi i bursës së re të krijuar në vend "ALSE", Artan Gjergji, emetimi i titujve nga biznesi privat nuk është risi. Si një praktikë ka nisur në vitin 2012, me emetimin e obligacioneve të Bankës Credins, ndërsa ligji është prej 2008-ës. Credins emetoi obligacione në vitin 2012, kur banka kishte nevojë për rritje kapitali dhe emetoi obligacione korporate me ofertë private.

Sipas të dhënave zyrtare të Autoritetit të Mbikëqyrjes Financiare, Credins ka emetuar disa herë obligacione korporate, ashtu si edhe tre subjekte të tjera: Fondi "Besa", Balfin Group dhe "Noa".

Ekspertët thonë se bizneset po maturohen e po shkojnë drejt një tjetër alternative financimi, ndërsa nga ana tjetër edhe tregu po krijohet.

"DigitAlb" mund t'i ishte drejtuar bankës për financim, por zgjodhi një mundësi më të gjerë financimi. Oferta vlerësohet të jetë mbyllur me disa institucione financiare. Çka nënkupton që obligacionet nuk janë në duar të kompanive të vogla, apo më tepër akoma të individëve.

Artan Gjergji, drejtuesi i "ALSE" shpjegon për Businessmag.al, se individët ende nuk mund të bëhen aksionerë në një kompani. Ai tregon se "ALSE" ka marrë licencën, por aktualisht e ka të pamundur të listojë kompani, pasi mungon infrastruktura e tregut. Më konkretisht mungon një institucion i specializuar që quhet Depozitar Titujsh (hipoteka e titujve), e cila do të pasqyrojë ndryshimet e përditshme në pronësinë e titujve (aksione, obligacione korporate etj.).

"ALSE ka marrë licencë të plotë, për të tregtuar të gjithë gamën e titujve. AMF ka kufizuar me vendim bordi tregtimin në tituj të tjerë përveç titujve të qeverisë për vitin e parë, pasi mungon Depozitari i Titujve, që të mbajë të dhënat e pronësisë së titujve," thotë Gjergji.

Së fundi vlerësohet të jetë në proces ngritja e një kompanie të tillë. Kompania duhet të kalojë në sitën e AMF-së dhe më tej të fitojë besimin e bursës, duke ofruar një infrastrukturë të sigurtë teknologjike për përpunimin dhe ruajtjen e të dhënave.

"Kushtëzimi nga arkitektura e tregut, ka bërë që deri më tani të zhvillohet oferta private," thotë Gjergji.

Në këtë rast kompanitë nxjerrin në shitje obligacione për jo më shumë se 100 blerës (kompani klientë në këtë rast). Mbi 100 blerës, oferta është publike dhe në këtë pikë, me ligj kërkohet që titujt të listohen në bursë. Kështu, investitorët që kanë në dorë titujt, kanë një dritare likuiditeti dhe mund ta tregojnë në çdo kohë.

Shenjat e para të një burse të mirëfilltë pritët të shfaqen vitin e ardhshëm.



Operatorët në tregun financiar thonë se ka interes nga kompanitë dhe disa prej tyre janë maturuar e kanë mundësi të tregtojnë. Kompanitë e para që mund të prekin terrenin e financimit me ofertë të hapur, janë kompanitë që tashmë kanë përvojë në emetimin e obligacioneve me ofertë private.

Megjithatë, nuk është çudi që të tjera kompani të çajjnë tregun. E tillë është OSHEE. Nuk po flasim këtu për kritere të plotësuara apo jo, por nisur nga një

deklaratë e kryeministrit Edi Rama në mbledhjen e strategjisë së sektorit energjitik.

Ai tha: "Shpresoj që deri në fund të këtij viti të jemi gati që t'u ofrojmë qytetarëve shqiptarë mundësinë e pjesëmarrjes si aksionerë me qëllim që vitin e ardhshëm kompania të kthehet në një kompani, ku pjesëmarrja masive e qytetarëve si aksionerë do të ketë një benefit reciprok". Rama tha gjithashtu se në pak vite do të ketë një liberalizim 100% të tregut të energjisë.

Një deklaratë publike së fundi ka ardhur edhe nga presidenti i Grupit "Balfin". Në një deklaratë në media Samir Mane tha se, shumë shpejt do të përmbylim dokumentet për të siguruar listimin në bursë dhe t'u japim të drejtë të gjithë qytetarëve të bëhen aksionerë të "Balfin Group".

Artan Gjergji thotë se me krijimin e strukturave të tregut (pra depozitarit të titujve) kontaktet e para do t'i zhvillojë me kompanitë që kanë emetuar tashmë, por edhe shumë të tjera që plotësojnë kriteret për t'u listuar në Bursën "ALSE".

"ALSE" mund t'u propozojë që çdo emetim i radhës të bëhet përmes bursës dhe jo me ofertë të kufizuar (siç është ajo private).

NE DO TË KEMI DY-TRE TREGJE, THOTË GJERGJI, DUKE THEKSUAR SE DO TË KETË DHE NJË TREG PËR KOMPANIË QË KANË SHITUR OBLIGACIONE MË PARË. NË KËTË RAST, FLITET PËR MUNDËSINË E TREGTIMIT TË TITUJVE TASHMË TË BLERË (NËSE KLIENTI ËSHTË INTERESUAR TA TREGTOJË, PARA AFATIT TË PËRCAKTUAR NGA KOMPANIA).